

زلزله زده منطقه سربازلاری نین موخافلیق و مورخصلیقلاری

خانیواده و انولری 40 درصددن چوخ ضرر گورن سربازلارا 3 آیلیق ایضطیراری مورخصلیق وئرلییر.

سیلاحلی نیرولارین کول سیتادی نین اینسانی منبعلر ایداره سی نین جانشینی، موعظم اینقیلاب رهبری و کول قوه لر فرماندهی نین شرقی آذربایجانین زلزله زده منطقه لری سربازلاری باره ده تصویب ائله دیقی جوزئیاتینی تشریح ائله دی.

موسی کمالی ایسنا اینن دانشیقدا دئدی: خانیواده لری اهر، ورزقان، هریس و کلبرده یاشایان و اؤزلری اوردان اعزام اولان سربازلارا (آموزش حالیندا اولانلارا) کی خانیواده و انولری 40 درصددن چوخ ضرر گوروب 3 آیلیق ایضطیراری مورخصلیق وئرلییر.

هابئله زلزله خبرین ائشیدندن سونرا مورخصلیق آلامیش خیدمتی ترک ائدنلر ده جان و مال ضرری گورسه لر (انولری نین 40 درصد و آرتیغین خراب اولماسی) دئییلن مورخصلیق اونلارا دا شامیل اولور و بقیه کی انولرینه یولوخوب اونلارین سالیملر اولمالاریندان موطمین اولدولار گرک 10 گوندن سونرا خیدمته قاییتسینلار و بو 10 گون اونلارا ایستحقاقی مورخصلیق حساب اولاجاق.

کمالی نین دئدیگینه گوره، او سربازلار کی سکونت یئرلری زلزله زده منطقه ده اول و خانیواده و انولری ضرر گورموش اول (40 درصد و یوخاری) خانیواده لری نین ساکین اولدوغو منطقه نین لاپ یاخین نظامی و یا اینتیظامی یگانینا موتتیقل اولاجقلار.

سیلاحلی نیرولارین کول سیتادی نین اینسانی منبعلر ایداره سی نین جانشینی بونو دئماغینان کی اهر، ورزقان، هریس و کلبر شهرستانلاری نین مشموللاری نین اعزامی بو ایلین بهمن آیی نین 30-ینانچ یعنی آلتی آک دالی دوشور، دئدی: موسلج نیرولار دا ایختیصاص تاپمیش نیرولارینی 1392-جی ایلین تیرین 20-جن نظامی آموزشدن سونرا خانیواده لری ساکین اولان منطقه نین لاپ یاخین نظامی و اینتیظامی مرکزینده ایشه آلاچاق. اونون دئدیگینه گوره، کول قوه لر فرماندهی نین تصویبینه گوره، عمومی وظیفه، سپاه، بخشدار و شهر یا کند یا بخشین ایسلامی شوراسی نین نوماینده لر و منطقه نین دادسیتانی بیر هیأت تشکیل وئرلیر، سیلاحلی نیرولارین کول سیتادی نین ضوابطی اساسیندا ضرر چکمیش خانیواده لرین اوشاقلاری نین معافیتلری باره ده تصیم توتاجقلار.

کمالی آرتیردی: موخافلیق او کسلره شامیل اولاجاق کی خانیواده لری نین هامیسی و یا حداقل ایکی نفر درجه بیر فامئل لریندن الدن وئرمیش اولالار. و بیر ده او کسلر کی خانیواده سرپرستلری الدن گئدیپ و یا زلزله اثرینده اؤز ایشلرینی دولاندریا بیلمه مک وضعیته دوشموش اولار، اگر اوستاندا خانیواده نی سرپرستلیق ائدن آیری اولاد اولمایا.

او آرتیردی: انولی اوشاقلی سربازلار کی عیاللارین و یا اوشاقلارین زلزله ده الدن وئرلر و یا عیاللاری زلزله اثرینده معلول اولوب خانیواده ایشلرینی دولاندرماقدان عاجیز اولار، و او انولی سربازلار کی عیاللاری نین آتا و آنالاری الدن گئده (هر ایکیسی) و سرپرستسیز اولالار، و او انولی سربازلار کی انولری اوتورمالی اولمایا و آرادان گئتمیش حسابلانا دا موخاف اولاجقلار.